

URDHËR
Nr. 42, datë 16.2.2012

**PËR SPECIET E BIMËVE, VARIETETI I TË CILAVE DUHET TË REGJISTROHET NË
KATALOGUN KOMBËTAR**

Në mbështetje të nenit 102, pika 4 të Kushtetutës, pikës 1 të nenit 6 të ligjit nr. 10 416, datë 7.4.2011 “Për materialin mbjellës dhe shumëzues bimor”, me propozim të Drejtorisë së Përgjithshme të Politikave Bujqësore dhe Entit Shtetëror të Farave dhe Fidanëve,

URDHËROJ:

1. Lista e specieve, varieteti i të cilave duhet të regjistrohet në Katalogun Kombëtar, është sipas tabelës nr.1, bashkëngjitur këtij urdhri.
2. Ngarkohet Drejtoria e Përgjithshme e Politikave Bujqësore të përgatitë brenda 6 muajve nga miratimi i këtij urdhri, listën e specieve të bimëve dekorative dhe të bimëve pyjore, varieteti i të cilave duhet të regjistrohet në Katalogun Kombëtar.
3. Për zbatimin e këtij urdhri, ngarkohet Drejtoria e Përgjithshme e Politikave Bujqësore dhe Enti Shtetëror i Farave dhe Fidanëve.
4. Ky urdhër hyn në fuqi me botimin në Fletoren Zyrtare.

**MINISTRI I BUJQËSISË, USHQIMIT
DHE MBROJTJES SË KONSUMATORIT**
Genc Ruli